

ויראו והנה ארחת ישמעאלים  
 באה מגלעד וגמליהם נשאים  
 נכאת וצרי ולט הולכים  
 להוריד מצרימה: ויאמר  
 יהודה אל-אחיו מה-בצע  
 כי נהרג את-אחינו וכסינו  
 את-דמו: לכו ונמכרנו  
 לישמעאלים וידנו אל-תהי-  
 בו כי-אחינו בשרנו הוא  
 וישמעו אחיו: ויעברו אנשים  
 מדינים סחרים וימשכו ויעלו  
 את-יוסף מן-הבור וימכרו  
 את-יוסף לישמעאלים  
 בעשרים כסף ויביאו את-יוסף  
 מצרימה: וישב ראובן אל-  
 הבור והנה אין-יוסף בבור  
 ויקרע את-בגדיו: וישב אל-  
 אחיו ויאמר הילד איננו ואני  
 אנה אני-בא: ויקחו את-פתנת  
 יוסף וישחטו שעיר עזים  
 ויטבלו את-הפתנת בדם:  
 וישלחו את-פתנת הפסים  
 ויביאו אל-אביהם ויאמרו  
 זאת מצאנו הכר-נא הפתנת  
 בנה הוא אם-לא: ויפירה  
 ויאמר פתנת בני חיה רעה  
 אכלתהו טרף טרף יוסף:  
 ויקרע יעקב שמלתיו וישם  
 שק במתניו ויתאבל על-בנו  
 ימים רבים: ויקמו כל-בניו

וכל-בנתיו לנחמו וימאן  
 להתנחם ויאמר כי-ארד אל-  
 בני אבל שאלה ויבך אתו  
 אביו: והמדנים מכרו אתו  
 אל-מצרים לפוטיפר סרים  
 פרעה שר הטבחים:  
 ויהי בעת ההוא וירד יהודה  
 מאת אחיו ויט עד-איש  
 עדלמי ושמו חירה: וירא-שם  
 יהודה בת-איש כנעני ושמו  
 שוע ויקחה ויבא אליה: ותהר  
 ותלד בן ויקרא את-שמו ער:  
 ותהר עוד ותלד בן ויקרא  
 את-שמו אונן: ותסף עוד  
 ותלד בן ויקרא את-שמו  
 שלה והיה בכזיב בלדתה אתו:  
 ויקח יהודה אשה לער בכורו  
 ושמה תמר: ויהי ער בכור  
 יהודה רע בעיני יהוה וימתהו  
 יהוה: ויאמר יהודה לאונן בא  
 אל-אשת אחיק ויבס אתה  
 והקם זרע לאחיק: וידע אונן  
 כי לא לו יהיה הזרע והיה אם-  
 בא אל-אשת אחיו ושחת  
 ארצה לבלתי נתן-זרע לאחיו:  
 וידע בעיני יהוה אשר עשה  
 וימת גם-אתו: ויאמר יהודה  
 לתמר פלתי שבי אלמנה בית-  
 אביך עד-יגדל שלה בני כי

אמר פן-ימות גם-הוא כאחיו  
 ותלך תמר ותשב בית אביה:  
 וירבו הימים ותמת בת-שוע  
 אשת-יהודה וינחם יהודה  
 ויעל על-גזזי צאנו הוא וחירה  
 רעהו העדלמי תמנתה: ויגד  
 לתמר לאמר הנה חמיק עליה  
 תמנתה לגז צאנו: ותסר בגדי  
 אלמנותה מעליה ותכס בצעיף  
 ותתעלף ותשב בפתח עינים  
 אשר על-דרך תמנתה כי  
 ראתה כי-גדל שלה והוא לא-  
 נתנה לו לאשה: ויראה יהודה  
 ויחשבה לזונה כי כסתה פניה:  
 ויט אליה אל-הדרך ויאמר  
 הבה-נא אבוא אליך כי לא  
 ידע כי כלתו הוא ותאמר מה-  
 תתן-לי כי תבוא אלי: ויאמר  
 אנכי אשלח גדי-עזים מן-  
 הצאן ותאמר אם-תתן ערבון  
 עד שלחה: ויאמר מה הערבון  
 אשר אתן-לך ותאמר חתמה  
 ופתילה ומטה אשר בידך  
 ויתן-לה ויבא אליה ותהר  
 לו: ותקם ותלך ותסר  
 צעיפה מעליה ותלבש בגדי  
 אלמנותה: וישלח יהודה את-  
 גדי העזים ביד רעהו העדלמי  
 לקחת הערבון מיד האשה  
 ולא מצאה: וישאל את-אנשי